

Širawt ta n sanatat iktab Yaxya

Šihulawen

¹ Awa nak amyar a din-ihulan Ælkənisat ta tənnəfranat əd bararan-net. Areq-qawan əs tidət, amaran wərgex nak xas a kawan-iran, aytedan kul win əssannen tidət aran-kawan.

² Nar-iwan fəlas tidət a təhat iman-nana, wər tan-təgəmməd har faw.

³ Əgmaya dəy Məşşina di n Abba əd Barar-net Ƴaysa Ælməsix a dana-x-ikfan arraxmat əd təhanint, d alxer, attaddin dəy-na əs tidət əd tara.

Təməddurt ta təlkamat i tidət

⁴ Əkney təfalawist wəllen as əsləy as wiyyad dəy bararan-nam əzilalaxan dəy tarrayt ta n tidət s əmmək was dana-omar Abba-nana.

⁵ Əmərədda, Ælkənisat, ənta da arat wa dəy-am gammaya: ad nənəməru gar-ena. Wərgex alwajib izrayan a dam-in-əktabəx da kalar alwajib awa nəgraw harwa xur ənətti.

⁶ Tara almayna-net ad nəzəluləy dəy alwajiban ən Məşşina. Ənta da da alwajib was za təkəmam s ənta as təslam harwa xur ənətti.

⁷ Iməssəxrak aggotnen əwizawazan dəy əddənət. Ma imosan za əməssexrək n aytedan imos dəy azangaw n Ælməsix? Adi za wa inkuran as Ƴaysa Ælməsix osâ-du əddənət imos aggadəm.

⁸ Day adi ənəkədat əd man-nawan fəl ad wər təsəbbənənəm əşşəxəl-nawan. As təgam ənəkud wa ad təgrəwam aroz-nawan indân.

⁹ Awedan kul wa inamaggagan d əsəssəxri n Əlməsix wədi wər irtay əd Məşşina. Amaran wa iglan ittâf əsəssəxri wa, wədi irtây d Abba əd Barar-net.

¹⁰ As kawan-d-osa awedan d əsəssəxri iyyan wər nəmos wa, a tu-wər-təqbəlam, amaran a das-wər-taxim assalam fadda.

¹¹ Fəlas i das-oğan assalam wədi inimannak dər-əs day arak mazalan-net.

Şihulawen šin əlkamnen

¹² Əllan-tu aratan aggotnen as arex a dawan-tan-in-annax mišan s a wər nəmos akatab ən širawt əs taddawat. Əssofax a kawan-in-asax iman-in annax-awan-tan s əmi d əmi fəl ad təkməl təfalawist-nana.

¹³ Əhulan-kawan-in bararan ən təmidit-nawan ta tənəfranat.

**Ḑlinjil ɔn Ḑaysa Ḑlməsix Itawann-as dex
Arkawal wa Aynayan
Tamajaq, Tawallammat: Ḑlinjil ɔn Ḑaysa Ḑlməsix
Itawann-as dex Arkawal wa Aynayan New Testament
Le Nouveau Testament en tamajaq tawallammat,
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f